



Zmijanac uhapšen zbog ratnog zločina

Postupajući po nalogu tužitelja iz Posebnog odjela za ratne zločine, policijski djelatnici SIPA, na području Prijedora lišili su slobode osumnjičenog Dragoja Zmijanca, rođenog 1951. u Prijedoru, državljanina BiH.

Osumnjičeni je pod istragom Tužiteljstva BiH i osumnjičen je da je za vrijeme širokog i sistematičnog napada vojske i policije RS-a na bošnjačko civilno stanovništvo na području Prijedora, postupao protivno odredbama međunarodnog humanitarnog prava i Ženevskih konvencija o zaštiti civilnih osoba za vrijeme rata. On se tereti da je u julu 1992. ubio civila bošnjačke nacionalnosti. Nakon toga, osumnjičeni je prijetio članovima obitelji ubijenog, koji su odvedeni u logore na području Prijedora, gdje su preživjeli teške torture i zlostavljanja, te nakon toga prognani sa područja Prijedora. Osumnjičeni će biti sproveden postupajućem tužitelju, koji će ispitati osumnjičenog i nakon toga donijeti odluku o daljim aktivnostima, saopćeno je iz Tužiteljstva BiH.